



Zonte sub. A) ae deliberazion dal Consei Comunâl n. 62 dai 30/11/2009

REGOLAMENT COMUNÂL

PAL ESERCIZI DAI PASSAÇS VEICUI

Art. 1 - Finalitât dal Regolamento

1. Cul Regolamento presint il Comun al dissipline la procedure pe consegne de autorizazion al exercizi dai passaçs veicui.

Art. 2 - Definizion di passaç veicui

1. Il passaç veicui al è l'interval dal marcjepît o de strade fat par permeti l'acès cui veicui ai edificis o aes areis laterâls ae strade stesse.
2. In gjenerâl il passaç veicui al è un manufat in pierre, in beton, in porfir o in altri materiâl, ma al pues ancje jessi costituît nome di grave o tiere naturâls.

Art. 3 – Autorizazion ae costruzion

1. Su lis stradis di proprietât comunâl e intai trats di strade statâi, regionâi e provinciâi, che a passin dentri dai centris abitâts, cence la autorizazion preventive dal Comun, no puedin jessi vierts gnûfs passaçs veicui e no puedin jessi fatis trasformazions o variazioms a chei che za esistins.
2. La autorizazion so redite e je dade fûr intal rispjet des normativis in vore pe edilizie e pe urbanistiche, dal codiç de strade cun relatîf regolament di esecuzion e di metode in vore e ancje dal regolament presint.
3. La autorizazion al exercizi dai passaçs veicui, za autorizâts e esistints ae date di jentrade in vore dal regolament presint, e va regolarizade in conformitât aes prescrizioms indicadis intal seguitîf art. 4.

Art. 4 – Autorizazion al exercizi

1. La autorizazion al exercizi dal passaç veicui e scuen indicâ lis cundizioms e lis prescrizioms di caratar tecnic e amministratîf, e ancje la durade dal stes exercizi. Cheste durade no podarà, in ogni câs, jessi superiôr ai vincjenûf agns.
2. La autorizazion e podarà jessi revocade o modificade in ogni moment, par cause di motîfs di interès public o di tutele de sigurece stradâl, cence che la Amministrazion Comunâl e sei tignude a corispuindi nissune indenizazion.

Zonte sub. A) ae deliberazion dal Consei Comunâl n. 62 dai 30/11/2009

3. La autorizazion al exercizi dai passaçs veicui e je di competence dal Responsabil dal Servizi di Polizie Locâl, che al procêt su la fonde des disposizion comunâl par timp in vore o su istance dal sogjet interessât a ricevi la autorizazion. Il cartel al dovarà jessi colocât intun mût visibil de strade publiche.

4. Ducj i passaçs veicui al varan di jessi individuâts cuntun cartel specific, che al scugnarà jessi fat in conformitât ae normative in vore e vê il numar e l'an de autorizazion. Il titolâr de autorizazion al varà la responsabilitât di procurâsi il cartel e meti, sul midiesim, i dâts di identificazion de autorizazion par doprâ il passaç veicui.

5. I passaçs veicui che a esistin ae date di jentrade in vore dal regolament presint si intindin regularizâts e autorizâts al exercizi:

- a) anje se a distance inferiôr a chê fissade dal come 2, letare a) dal art. 46 dal Decret dal President de Republiche n. 610 dal 1996 e modificazions e integrazions seguitivis, cence la necessitât di procedi al adeguament providût dal art. 22 come 2 dal Codiç de Strade e modificazions e integrazions seguitivis;
- b) intal câs che a insistin su stradis cun trafic limitât, dulà che no determinin condizions di intric ae fluiditât de circolazion.

6. Si intindin regularizadis de norme presint e cence bisugne di adempiments ulteriôrs, lis interseziions tra stradis publichis, comprendudis lis stradis vicinâls, e stradis privadis, comprendûts i acès ai fonts agricui che i proprietari no vebin clarementri interdet al public passaç.

Art. 5 – Spesis

1. In ogni istance, fate par vê la autorizazion stabilide intal precedent art. 4, a son dovudis lis spesis relativis e consequents ae consegne de stesse.

Art. 6 – Timp transitori

1. Il timp transitori, par consintî ai citadins di avalêsi des disposizioni providudis intal art. 4 come 5 dal regolament presint, al è fissât ai 31.12.2012.

Art. 7 – Sanzions

1. Lis violaziions aes normis dal regolament presint, gjavant i câs dulà che il fat nol costituìs reât, a son punidis daûr dal Codiç de Strade e dal Regolament relatîf di esecuzion e di metode in vore.

Art. 8 – Jentrade in vore

1. Il Regolament presint al jentre in vore a decori dal prin di Zenâr dal 2010.

TABELE

<i>Art. 1 – Finalitât dal Regolament</i>	<i>pag. 1</i>
<i>Art. 2 – Definizion di passaç veicui</i>	<i>pag. 1</i>
<i>Art. 3 – Autorizazion ae costruzion</i>	<i>pag. 1</i>
<i>Art. 4 – Autorizazion al esercizi</i>	<i>pag. 1</i>
<i>Art. 5 – Spesis</i>	<i>pag. 2</i>
<i>Art. 6 – Timp transitori</i>	<i>pag. 2</i>
<i>Art. 7 – Sanzions</i>	<i>pag. 2</i>
<i>Art. 8 – Jentrade in vore</i>	<i>pag. 2</i>